

(raqam va so'z bilan yoziladi)

Kredit shartnomasi № _____
(AVTOKREDIT)

_____ sh . _____

Aksiyadorlik-tijorat Xalq banki nomidan (bundan buyon shartnoma matnida Bank ” deb yuritiluvchi) {filial-boskaruvchisiga-berilgan-isoncnomasining-rakami-va-sanasi} ishonchnoma asosida faoliyat yurituvchi _____ bank xizmatlari markazi boshlig'i/rahbari _____ bir tomondan , keyingi o'rinlarda “ Qarz oluvchi ” deb yuritiluvchi _____, pasport ma'lumotlari : seriya _____ № _____, _____ yilda _____ tomondan berilgan , ikkinchi tomondan va keyingi o'rinlarda “ Birgalikda Qarz oluvchi ” deb yuritiluvchi , _____ uchinchi tomondan , ushbu shartnomani quyidagilar haqida tuzdilar:

1. Shartnoma predmeti

1.1. Bank tomonidan Qarz oluvchiga rusumli avtotransport vositasi sotib olish uchun kredit mablag'larini ajratish ushbu Shartnomaning mazmuni bo'lib hisoblanadi.

1. Kredit shartlari

- 2.1. Kredit summasi: _____ (_____)so'm.
- 2.2. Kreditdan foydalanish muddati: _____ oy
- 2.3. Asosiy kredit hamda kreditga hisoblangan foizlarning qaytarilishi mazkur shartnomaning ajralmas qismi hisoblangan to'lov jadvaliga muvofiq amalga oshiriladi.
- 2.4. Kredit bo'yicha foiz stavkasi : yillik _____% foiz;
- 2.5. Foizlarni to'lash muddati : har oyning 5 sanasida ;
- 2.6. Kreditning imtiyozli davri : _____ oy.
- 2.7. Kreditning maqsadi va obyekti : _____ rusumli avtomashinasi sotib olish.
- 2.8. Kredit tuluq qiymati (KTQ)
Kredit foizi bo'yicha xarajat _____ so'm,
Sug'urta bo'yicha xarajat _____ so'm,
Garov shartnomasi bo'yicha xarajat _____ so'm.
- 2.9. Yengil avtomashina sotib olish uchun dastlab qabul qilingan _____% boshlang'ich badal summasi , oldi-sotdi shartnomaga asosan rasmiy dillarning hisob rakamiga o'tkazib beriladi.

3. Tomonlarning huquq va majburiyatlari

3.1. Bankning majburiyatlari:

3.1.1. Qarzdorga mazkur shartnomada ko'rsatilgan miqdorda va shartlarda ushbu shartnoma kuchga kirgandan so'ng , besh bank ish kuni ichida kredit ajratish .

3.1.2. Olingan kreditni hisoblash uchun Qarzdorga ssuda hisob raqamini ochish.

3.1.3. Qarzdorni Bank tomonidan kreditni muddatidan oldin undirish faktlari vas abablari haqida xabardor qilish.

3.2.Qarzdorning majburiyatlari:

3.2.1.Kredit va unga hisoblangan foizlarni mazkur shartnomada belgilangan muddatlarda o'z vaqtida va to'liq qaytarilishi hamda to'lanishini ta'minlash .

3.2.2.Kreditdan faqat mazkur shartnomada ko'rsatib o'tilgan maqsadlarda foydalanish .

3.2.3.Kreditdan foydalanish jarayonida kreditlashning asosiy tamoyillari : muddatlilik , qaytarishlilik , maqsadlilik , to'lovlilik , kredit qaytarilishining ishonchliligi va ta'minlanganlik talablariga rioya qilish.

3.2.4.Bank xodimlariga maqsadli tekshirishlar (kreditdan maqsadli foydalanish va tovarning butligi masalalari bo'yicha) o'tkazishlari uchun ruxsat berish .

Maqsadli tekshirishlar muddati qarzdorning roziligisiz Bank tomonidan belgilanadi.

3.2.5.Mazkur shartnoma kuchda bo'lgan davrda va Qarzdorning mazkur shartnoma bo'yicha majburiyatlarini bajarish imkoniyatiga salbiy ta'sir ko'rsatadigan holatlar bo'lsa , Bankningoldindan roziligini olmasdan , Qarzdor quyidagi harakatlardan birortasini amalga oshirmasligi zarur:

-boshqa banklardan kredit va qarz olish , uchinchi shaxslarning kreditorlari oldida kafil(yoki garant) bo'lish;

- kredit hisobiga sotib olingan avtotarnsport vositasini sotish yoki boshqa yo'llar bilan begonalashtirish , begona shaxslarga berish , ijaraga berish , garovga qo'yish va uchinchi shaxslar foydasiga o'z mulkiga nisbatan boshqa imtiyozli huquqlarni vujudga keltirish;

3.2.6.Mazkur shartnoma bo'yicha bir yilda bir marta hisobot yilining 10 yanvariga qadar Bankka o'rtacha oylik ish haqi to'g'risida ma'lumotnomani taqdim etish .

3.2.7.Qarzdorning ish joyi , yashash manzili , familiyasi , ismi o'zgarganda 5 kun muddat ichida Bankni xabardor qilish.

3.2.8. Qarzdor o'zining va Birgalikda qarz oluvchilarning bankdagi barcha bank hisobvaraqlari (plastik karta, omonat va boshqa) to'g'risidagi ma'lumotlarni bankka taqdim etish;

3.2.9. Xalq bankining " Contact center " operatorlari qo'ng'iroqlariga xushmuomalalik bilan javob berish va muloqatda bo'lish hamda SMS xabarlarini ijobiy qabul qilish;

3.2.10. Telefon raqami o'zgargan hollarda , zudlik bilan Bankni xabardor qilish . Bunda, telefon raqami o'zgargan kundan boshlab ikki ish kunida Xalq bankining " Contact center " operatorlari orqali Bankni xabardor qilishi majburiyatini oladi.

3.2.11. O'zbekiston Respublikasining amaldagi qonunchiligiga muvofiq o'ziga taalluqli bo'lgan shaxsiy ma'lumotlarni va bank sirini o'z ichiga olgan ma'lumotlarni to'plash , qayta ishlashga va ulardan foydalanishga ushbu shartnomaning 2-ilovasiga muvofiq o'z roziligini berish majburiyatlarini oladi.

3.3.Bankning huquqlari:

3.3.1.Qarzdor to'lovga layoqatsiz deb topilganda, kreditni qaytarish bo'yicha o'z majburiyatlarini bajarmaganda , kreditdan maqsadsiz foydalanganda (*kredit hisobiga sotib olingan avtotarnsport vositasini garovga qo'ymasdan begonalashtirish kabi holatlar*), shartnoma imzolanganidan keyin taqdim etilgan kreditni qaytarilishiga ta'sir ko'rsatuvchi ma'lumotlarning haqqoniy emasligi aniqlanganda hamda Bankning ushbu shartnoma bo'yicha majburiyatlari kuchga kirganidan so'ng Qarzdor tomonidan kreditdan bir oydan ko'p muddat davomida foydalanilmaganda (to'lov

hujjatlarini taqdim etmaslik) ushbu shartnomada nazarda tutilgan kreditni berishdan butunlay yoki qisman bosh tortish.

3.3.2.Kreditlash jarayonida ajratilgan kreditga tegishli bo'lgan holatlarni (kreditdan maqsadli foydalanish , kreditning ta'minlanganligi , kreditga layoqatligi va boshqalar) tahlil qilish.

3.3.3.Qarzdorni xabardor qilib , boshlang'ich foiz stavkasini Markaziy bankning asosiy stavkasidan kelib chiqqan holda o'zgartirish . Boshlang'ich foiz stavkasini o'zgartirish Bankning mutlaq huquqi bo'lib , Qarzdor foiz stavkasining Bank tomonidan bir tomonlama o'zgartirilishiga o'z roziligini bildiradi.

3.3.4.Bevosita Qarzdor joylashgan yerda maqsadli tekshirishlarni amalga oshirish.

3.3.5.Quyidagi hollarda Qarzdorni bundan buyon kreditlashni to'xtatish va foizlarni hamda kredit bo'yicha asosiy qarzni muddatidan oldin , jumladan undiruvni kredit ta'minotiga qaratish orqali undirish:

-kreditdan maqsadsiz foydalanilganda (*kredit hisobiga sotib olingan avtotransport vositasini sotish yoki boshqa yo'llar bilan begonalashtirish , begona shaxslarga berish , ijaraga berish , garovga qo'yish va uchinchi shaxslar foydasiga o'z mulkiga nisbatan boshqa imtiyozli huquqlarni vujudga keltirish*);

-Qarz oluvchi shartnomaning ajralmas qismi hisoblangan to'lov jadvaliga rioya etmaganligi oqibatida muddati o'tgan qarzdorligi yuzaga kelgan hollarda;

-mazkur shartnomaga asosan Bank tomonidan monitoring o'tkazilishidan bo'yin tovlaganda (bosh tortganda);

-qarzdor tomonidan Bankka kredit hujjatlarini rasmiylashtirilayotganda taqdim etilgan ma'lumotlar haqqoniy emasligi aniqlanganda;

-ajratilgan kreditning qaytarilishi turli sabablarga ko'ra ta'minlanmagan bo'lib qolgan hollarda , shuningdek kredit qaytarilishiga salbiy ta'sir ko'rsatuvchi mazkur shartnomada ko'zda tutilgan boshqa majburiyatlar bajarilmaganda;

Bunday hollarda Bank oldindan 15 kundan ko'p bo'lmagan muddat ichida Qarzdorni ogohlantiradi , ammo qarzdorning Bank tomonidan ogohlantirilmaganligi Bankning bundan buyon kreditlashni to'xtatish va foizlarni hamda kredit bo'yicha asosiy qarzni muddatidan oldin undirishga bo'lgan huquqiga o'z ta'sirini ko'rsatmaydi.

3.3.6.Qarzdorning kredit tarixini shakllantirish uchun zarur bo'lgan ma'lumotlarni Banklararo kredit byurosiga taqdim etish.

3.3.7. Mazkur shartnoma bo'yicha Qarzdorning muddati o'tgan qarzdorligi yuzaga kelgan hollarda , Bank o'zining talablarini qanoatlantirish uchun zarur bo'lgan tegishli pul mablag'larini (asosiy kredit, foiz , penya) O'zbekiston Respublikasi Fuqarolik kodeksining 783-moddasiga muvofiq Qarzdor va Birgalikda qarz oluvchilarning barcha hisobvaraqlari (plastik karta, omonat va b.)dan ularning topshirig'isiz akseptsiz tartibda memorial order orqali ko'chirib (undirib) olish huquqiga ega;

3.3.8. Xalq bankining " Contact center " operatorlari orqali Qarzdorning mobil telefoniga to'lov jadvaliga muvofiq to'lovlar yaqinlashayotganligi haqida 10 kun oldin SMS xabarlar yuborish;

3.3.9. Qarzdor tomonidan kredit va unga hisoblangan foizlar mazkur shartnomada belgilangan muddatlarda to'lanmagan hollarda , Xalq bankining " Contact center " operatorlari orqali Qarzdorning mobil telefoniga SMS eslatmalar yuborish . Shuningdek , Qarzdor bilan shaxsan muloqat olib borgan holda to'lovlar belgilangan muddatlarda

amalga oshirilishi lozimligi haqida , hamda aks holda Qarzdorga nisbatan qonuniy choralar ko‘rilishi mumkinligi to‘g‘risida tushuntirish ishlarini amalga oshirish , shuningdek shu mazmunda SMS xabarlar yuborish.

3.3.10. O‘zbekiston Respublikasining amaldagi qonunchiligiga muvofiq Qarz oluvchiga taalluqli bo‘lgan shaxsiy ma‘lumotlarni va bank sirini o‘z ichiga olgan ma‘lumotlarni to‘plash , qayta ishlash va ulardan foydalanish huquqlariga ega.

3.3.11. Ajratilgan kreditning maqsadli ishlatilishi monitoringini taqdim etilgan oldi-sotdi shartnomalarida belgilangan , kredit mablag‘i hisobiga mahsulotlarni yetkazib berish va/yoki xizmatlar (ish) ko‘rsatishning oxirgi muddatlari tugaganidan so‘ng , joyiga chiqqan holda amalga oshirish huquqlariga ega.

3.4.Qarzdorning huquqlari:

3.4.1.Oldindan (5 bank ish kuni davomida) Bankni xabardor qilib , kredit olishdan to‘liq yoki qisman voz kechish.

3.4.2.Kredit qarzdorligini hech qanday jarimalarsiz muddatidan oldin qaytarish.

3.4.3.Kreditlash va hisob-kitoblar bo‘yicha O‘zbekiston Respublikasi me‘yoriy-huquqiy hujjatlari va Bankning ichki me‘yoriy hujjatlaridagi o‘zgarishlar haqida Bankdan ma‘lumot olish . Shuningdek , Xalq bankining “ Contact centri ” orqali bankdan olingan kredit yuzasidan tegishli ma‘lumotlarni olish.

4.Hisob-kitoblar tartibi va shartnoma bahosi

4.1.Mazkur shartnomada ko‘rsatilgan shartlar asosida Bank kredit summasini qarzdorning ssuda hisob raqamidan pul o‘tkazish yo‘li bilan iste‘mol tovari sotib olish uchun to‘laydi.

4.2.Qarzdor berilgan kredit uchun foizlarni Bankka mazkur shartnomada belgilangan muddatda va miqdorda Bank amalga oshirgan hisob-kitob asosida to‘laydi.

4.3.Kreditdan foydalanganlik uchun foizlar har kuni Bank tomonidan hisoblab boriladi.

4.4. Qarzdor shartnoma shartlariga asosan ajratilgan kreditni hamda u bo‘yicha hisoblangan foizlarni naqd va naqtsiz ko‘rinishida pul to‘lash yo‘li bilan amalga oshiradi . Avval foizlar bo‘yicha hisoblangan qarzdorlik , keyin kredit bo‘yicha asosiy qarz qaytariladi (qoplanadi).

4.5.Mazkur Shartnoma bo‘yicha Bank o‘zining talablarini qanoatlantirish uchun zarur bo‘lgan tegishli pul mablag‘larini O‘zbekiston Respublikasi Fuqarolik kodeksining 783-moddasiga muvofiq Qarzdorning hisobvarag‘i (plastik karta, omonat va b.)dan uning topshirig‘isiz akseptsiz tartibda memorial order asosida ko‘chirib (undirib) olishga haqlidir.

4.6.Qarz oluvchining krediti bo‘yicha majburiyatlarni bajarish uchun mablag‘lar yetarli bo‘lmagan hollarda , qarzdorlik quyidagi navbatda qoplanadi:

Birinchi navbatda asosiy qarz bo‘yicha muddati o‘tgan qarzdorlik va muddati o‘tgan foiz to‘lovlari mutanosib ravishda;

Ikkinchi navbatda joriy davr uchun xisoblangan foizlar va joriy davr uchun asosiy qarz bo‘yicha qarzdorlik;

Uchinchi navbatda neustoyka (jarima, penya) va undan keyingi navbatda Qarz oluvchining qarzdorlikni uzish bilan bog‘liq bo‘lgan boshqa xarajatlari.

5.Kredit qaytarilishining ta‘minlanishi

5.1. Mazkur shartnoma asosida ajratilayotgan kreditning ta'minoti sifatida, kredit mablag'lari hisobiga sotib olinayotgan rusumli avtomashina narxini o'zaro kelishuv dalolatnomasiga asosan (so'z bilan yoziladi) so'mga garovga olish to'g'risidagi garov shartnomasi bilan ta'minlanadi.

5.2. Bankning ushbu shartnoma bo'yicha majburiyati (kredit ajratish) kredit qaytarilishining ta'minlanishini belgilovchi hujjatlar belgilangan tartibda to'liq rasmiylashtirilgandan va u Bank tomonidan olingandan so'ng kuchga kiradi.

6. Tomonlarning javobgarligi

6.1. Asosiy qarzni qaytarish muddati kechiktirilganda (muddati o'tgan kredit), Qarzdor Bankka butun kechiktirilgan davr uchun shartnomada belgilangan foiz stavkasining 1,2 baravar oshirilgan miqdorida yuqori foiz to'laydi.

Asosiy qarz va foizlarni belgilangan muddatlarda to'lamaganligi va ular bo'yicha muddati o'tgan summalar vujudga kelgani uchun qarzdor Bankka kechiktirilgan to'lovning har bir kuni uchun kechiktirilgan to'lov summasining 0,4% miqdorida, ammo kechiktirilgan to'lov summasining 50%dan oshmagan miqdorda penya to'laydi.

6.2. Mazkur shartnomada ko'rsatilgan muddatda kredit ajratilmaganda, Bank Qarzdorga kechiktirilgan to'lovning har bir kuni uchun kechiktirilgan to'lov summasining 0,1% miqdorida, ammo kechiktirilgan to'lov summasining 10%dan oshmagan miqdorda penya to'laydi.

7. Nizolarni hal etish tartibi

7.1. Tomonlar ushbu shartnoma bo'yicha yuzaga kelgan nizo va kelishmovchiliklarni muzokaralar o'tkazish orqali hal qilishga harakat qiladilar.

7.2. O'zaro kelishuvga erishilmagan nizolar va kelishmovchiliklar O'zbekiston Respublikasining amaldagi qonunchilik hujjatlariga asosan sud tartibida hal etiladi.

8. Boshqa shartlar

8.1.

Ushbu shartnomaning shartlarini o'zgartirish yoki uni bekor qilish qo'shimcha kelishuv tuzish orqali amalga oshiriladi. Mazkur shartnomaga kiritiladigan har bir o'zgartirish va qo'shimchalar yozma ravishda tuzilib, tomonlar imzolaganidan so'ng haqiqiy hisoblanadi. Barcha o'zgartirish, qo'shimchalar va ilovalar mazkur shartnomaning ajralmas qismi bo'lib hisoblanadi.

8.2.

Ushbu shartnoma bekor qilinishida qarzdor kredit bo'yicha asosiy qarz va hisoblangan foizlarni to'liq qaytarishi shart.

8.3. Qarzdorni kredit tarixini o'rganish maqsadida, uning kredit tarixi to'g'risidagi ma'lumotlari O'zbekiston Respublikasi Markaziy banki Kredit axboroti milliy institutining (keyingi o'rinlarda KAMI) ma'lumotlar bazasidan qonun hujjatlarida belgilangan tartibda kredit berilishidan oldin olinadi.

8.4. Ushbu shartnomada ko'zda tutilmagan, u bilan bog'liq bo'lgan barcha munosabatlar O'zbekiston Respublikasi amaldagi qonunchiligi bilan tartibga solinadi.

8.5. Tomonlarning manzillari o'zgargan hollarda 5 (besh) ish kuni muddat ichida bir-birlarini yozma ravishda xabardor qilishlari shart.

8.6. Mazkur shartnoma bir xil yuridik kuchga ega bo'lgan to'rt nusxada tuzilgan bo'lib, taraflarda bir nusxadan saqlanadi.

Ilova : Asosiy qarz va foizlarni qaytarish bo'yicha jadvali.

9.Tomonlarning yuridik manzillari va imzolari

“Bank”

Aksiyadorlik tijorat Xalq
banki ____ bank xizmatlari markazi
Manzil:
{ filial-manzili }
MFO: ____;
INN :____;
“Contact centye r” aloqa tel.raqami :
(71) 210-20-02

M.O‘.

“Qarz oluvchi”

Pasport ma'lumotlari:

Seriya ____
Berilgan_____
Tel.raqami ____

_____ (imzo)

Birgalikda qarz oluvchi(lar):

“Hurmatli qarz oluvchi ! Kredit va unga hisoblangan foizlar o‘z vaqtida to‘lanmagan taqdirda Sizning kredit tarixingizda majburiyatlar o‘z vaqtida bajarilmaganligi to‘g‘risida ma‘lumotlar shakllanadi va bu esa o‘z navbatida kelgusida kredit tashkilotlaridan kredit olish imkoniyatingizni pasayishiga sabab bo‘lishi mumkin”.